
Ordinaziun tar la lescha davart l'indemnisaziun da donns elementars betg assicurabels (OIDE)

dals 26-10-2010 (versiun dals 01-01-2022)

sa basond sin l'art. 45 da la constituziun chantunala¹⁾

relaschada da la regenza ils 26 d'october 2010

1. Surveglianza

Art. 1 Rendaquint

¹ Il rendaquint da la cassa per donns elementars (cassa) sto vegnir fatg tenor las recumandaziuns tecnicas per il rendaquint (Swiss GAAP FER) per assicuranzas d'edifizis relaschadas da la fundaziun per recumandaziuns tecnicas per il rendaquint.

2. Organisaziun da la cassa

Art. 2 Cumissiun administrativa

¹ La cumissiun administrativa da l'assicuranza d'edifizis dal Grischun exequescha la funcziun da la cumissiun administrativa da la cassa.

Art. 3 Direcziun *

¹ La direcziun da l'assicuranza d'edifizis dal Grischun operescha sco direcziun da la cassa per donns elementars. Ella represchenta quella vers anora ed exequescha las decisziuns da la cumissiun administrativa. *

Art. 3a * Secretariat

¹ La responsabladad per manar las fatschentas da la cassa e dal fond per agid d'urgenza ha il secretariat che vegn designà da la direcziun.

¹⁾ DG [110.100](#)

* tabellas da las modificaziuns a la fin dal relasch

Art. 4 Post da stimaziun *

¹ Il post da stimaziun cumpetent è il secretariat. *

² L'uffizi per la valitaziun d'immobiglias sustegna l'assicuranza d'edifizis en cas da donns mesauns e gronds. El prenda encunter annunzias da donns elementars betg assicurabels da l'assicuranza d'edifizis, eruescha quels ed elavura ils cas da donns. L'indemnisaziun vegn calculada tenor las tariffas da cumpensaziun per servetschs da l'administraziun chantunala a terzas personas. *

³ ... *

Art. 5 Indemnisaziun

¹ La direcziun è responsabla per fixar l'indemnisaziun dals ulteriurs posts ch'èn vegnids consultads per la stimaziun. *

3. Indemnisaziuns

Art. 6 Tariffa d'indemnisaziun

¹ La tariffa d'indemnisaziun da la cassa importa en cas da donn 70 pertschient da la summa dal donn imputabla.

Art. 7 Donn minimal

¹ Donns da main che 300 francs na vegnan betg indemnisads.

4. Procedura en cas da donn

Art. 8 Annunzia dal donn

¹ Las annunzias da donns ston vegnir drizzadas al secretariat. *

² Las annunzias da donns che vegnan inoltradas a las instanzas communalas u ad auters posts ston vegnir tramessas immediatamain al secretariat. *

Art. 9 Stimaziun dal donn

¹ Sch'igl è avant maun in donn che po vegnir indemnisà tenor la lescha, sto il secretariat eruir quel immediatamain. *

² La persuna donnegiada sto vegnir envidada a la stimaziun. Ella è autorisada da sa laschar substituir e d'envidar sin agens custs expertas ed experts.

Art. 10 * ...

Art. 11 Decisiun d'indemnisaziun

¹ Il secretariat decida, sch'il dretg d'indemnisar il donn è avant maun en il senn da la lescha.

² El fixescha l'indemnisaziun sin fundament dal protocol da stimaziun respectivamain suenter la preschentaziun dal rendaquint.

³ Custs che augmentan la valur na vegnan betg reconuschids sco donn imputabel. *

Art. 12 Pajaments parzials ed anticipads

¹ En cas da donns pli gronds po la cassa far pajaments parzials conform al progress da las lavurs da reconstrucziun.

² Sin basa da garantias da contribuziuns provisoricas dal fond svizzer per agid en cas da donns elementars betg assicurabels u d'ovras umanitaras po la cassa pagar anticipadamain ina part u tut lur contribuziuns.

5. Finanziaziun

Art. 13 Taxas a la cassa

¹ Proprietarias e proprietaris da bains immobigliars sco er persunas che han il dretg da construcziun ston pagar las suandantas taxas annualas a la cassa:

- a) * 0,5 raps per mintga 1000 francs da la summa da l'assicuranza d'edifizis dals edificis assicurads;
- b) * 0,25 promils da la valur da la taglia sin la facultad da bains immobigliars betg surbajegiads.

6. Disposiziuns finalas

Art. 14 Entrada en vigur

¹ Questa ordinaziun entra en vigur¹⁾ ensemen cun la revisiun parziala da la lescha davart l'indemnisaziun da donns elementars betg assicurabels dals 15 da zercladur 2010²⁾.

¹⁾ 1. da schaner 2011

²⁾ DG [835.100](#)

Tabella da las modificaziuns - tenor conclus

Conclus	Entrada en vigur	Element	Modificaziun	Publicaziun en la CUL
26-10-2010	01-01-2011	relasch	emprima versiun	-
25-11-2014	01-01-2015	Art. 3	midada dal titel	2014-033
25-11-2014	01-01-2015	Art. 3 al. 1	midada	2014-033
25-11-2014	01-01-2015	Art. 3a	integraziun	2014-033
25-11-2014	01-01-2015	Art. 4	midada dal titel	2014-033
25-11-2014	01-01-2015	Art. 4 al. 1	midada	2014-033
25-11-2014	01-01-2015	Art. 4 al. 2	midada	2014-033
25-11-2014	01-01-2015	Art. 4 al. 3	abolizium	2014-033
25-11-2014	01-01-2015	Art. 5 al. 1	midada	2014-033
25-11-2014	01-01-2015	Art. 8 al. 1	midada	2014-033
25-11-2014	01-01-2015	Art. 8 al. 2	midada	2014-033
25-11-2014	01-01-2015	Art. 9 al. 1	midada	2014-033
25-11-2014	01-01-2015	Art. 10	abolizium	2014-033
25-11-2014	01-01-2015	Art. 11 al. 3	integraziun	2014-033
26-09-2017	01-01-2018	Art. 4 al. 2	midada	2017-035
22-06-2021	01-01-2022	Art. 13 al. 1, a)	midada	2021-023
22-06-2021	01-01-2022	Art. 13 al. 1, b)	midada	2021-023

Tabella da las modificaziuns - tenor element

Element	Conclus	Entrada en vigor	Modificaziun	Publicaziun en la CUL
relasch	26-10-2010	01-01-2011	emprima versiun	-
Art. 3	25-11-2014	01-01-2015	midada dal titel	2014-033
Art. 3 al. 1	25-11-2014	01-01-2015	midada	2014-033
Art. 3a	25-11-2014	01-01-2015	integraziun	2014-033
Art. 4	25-11-2014	01-01-2015	midada dal titel	2014-033
Art. 4 al. 1	25-11-2014	01-01-2015	midada	2014-033
Art. 4 al. 2	25-11-2014	01-01-2015	midada	2014-033
Art. 4 al. 2	26-09-2017	01-01-2018	midada	2017-035
Art. 4 al. 3	25-11-2014	01-01-2015	abolizium	2014-033
Art. 5 al. 1	25-11-2014	01-01-2015	midada	2014-033
Art. 8 al. 1	25-11-2014	01-01-2015	midada	2014-033
Art. 8 al. 2	25-11-2014	01-01-2015	midada	2014-033
Art. 9 al. 1	25-11-2014	01-01-2015	midada	2014-033
Art. 10	25-11-2014	01-01-2015	abolizium	2014-033
Art. 11 al. 3	25-11-2014	01-01-2015	integraziun	2014-033
Art. 13 al. 1, a)	22-06-2021	01-01-2022	midada	2021-023
Art. 13 al. 1, b)	22-06-2021	01-01-2022	midada	2021-023